



百戰百勝

漢書門  
九五  
三  
四

元九  
九  
四  
三

内閣文庫  
番號 漢 9543  
冊數 4 ( 1 )  
函號 299 230

299-230







百戰百勝序

嘗聞勝敗兵家之常勝之中有  
敗不能保其遍勝敗之中有勝

不能必其遍敗故項羽惟百戰  
百勝一不勝便至四面皆楚歌

高帝惟百戰百不勝一勝便能  
馬上得天下雖然勝敗固不可

必以為常第在我未戰之先勝



588-085



算須素定。是先為不可勝以待  
敵之可勝。即臨陣而與敵戰。不  
大勝亦不至大敗矣。余近讀百  
戰奇謀上下卷。未詳作者姓氏。  
自計戰以至忘戰。凡有百篇。俱  
自武經七書中流出。乃唐以後  
兵事。無一不載。殆宋人手筆。張  
預戴溪之流亞也。以此書教戰。

千昔人用兵之妙。思過半矣。王  
鳴鶴先生輯登壇必究。止留五  
十款。令有志者不觀其全。殊可  
嘆惜。余茲彙輯百篇。木全中多  
合法。孫武子可為武場中題面  
俱用雙圈。摘出每條。各引傳記  
一二戰勝者。以為本篇評佐。彷彿  
佛手將傳之作。神明而善用之。



雖以百戰而百勝可也

東園居鄒復大復甫識

新編百戰百勝叙  
弧矢之設以威四海蓋聖人之  
設武矣夫民有欲則爭心起爭  
心起則必憑強躁弱之意生匹  
夫之勇尚不可不察况天下之  
衆乎故立君長以司之利器械  
以鎮靜之聖人執天下之機以  
禦其必爭設武備以制治之且



明四教脩五刑而慮其不虞是以農隙脩戰法備之不可以易也夫武備者若四體百骸之保其身以奉其心也苟有所虧則身不全而心不安可不謹焉近讀百戰百勝一帙悉以七書為之樞要引傳記而為治亂勝敗之鑑武門之童蒙一月不可不

讀之書也雖然無訓點而患其難通曉於是訂之句讀校之音訓參訂之文字而授一二之子弟令讀焉夫習武者讀太公孫吳穰苴之術亦猶儒者治四書六經且雜讀史傳博通古今勝敗之勢以可輔佐兵術矣今此書也舉兵法大本而明勝敗示




治亂而為後昆之戒嗚呼小子  
止歌舞之遊而日學此書則庶  
乎武之道矣

享保十六辛亥歲中春下浣

東武江府散人 神田勝久識

此人學向甚淺陋不知讀書而強下國讀觀者詳之



新編百戰百勝七書衍義卷之一

百戰條畧

計戰	謀戰	間戰	選戰	步戰
騎戰	舟戰	車戰	信戰	教戰
衆戰	寡戰	愛戰	威戰	賞戰
罰戰	主戰	客戰	強戰	弱戰
驕戰	交戰	形戰	勢戰	晝戰
夜戰				



新編百戰百勝卷之一

宋 謝昉得 疊山父

編輯

明 汪淇 右子父

參訂

日東 江府 散人 神田勝久 校点

○計戰

凡用兵之道以計為首。未戰之時先料將之賢愚。敵之強弱。兵之眾寡。地之險易。糧之虛實。計料已審。然後出兵。無有不勝。法曰料敵制勝。計險厄遠近。上將之道也。勝久按法曰語見干孫子地形篇

漢末劉先主在襄陽。三往求計於諸葛亮。亮曰。自



董卓以來豪傑並起跨列連郡者不可勝數曹操  
擁百萬之衆挾天子以令諸侯此誠不可與爭鋒  
孫權據有江東已歷三世國險而民附賢能為之  
至此可以為援而不可圖也荆州北據漢沔利盡  
南海東連吳會西通巴蜀此用武之國而其主不  
能守此殆天所以資將軍將軍豈有意否益州險  
塞沃野千里天府之國高祖因之以成帝業劉璋  
暗弱張魯在北民阜國富不知存恤智明之士思  
得明君將軍既帝室之胄信義著於四海總覽英  
雄思賢如渴若跨有荆益保其岩阻西和諸戎南

撫夷越外結好孫權內修政治天下有變則命一  
上將將荆州之軍以伺寇將軍自帥益州之衆出  
於秦川百姓孰敢不箠食壺漿以迎將軍者乎誠  
如是霸業自成漢室可興矣先主云善後果如其  
計

○謀戰

敵如有謀我從而攻之使彼計衰而屈服法曰上兵  
伐謀勝久按法自語見

春秋時晉平公欲伐齊使范昭往觀齊國之政齊  
景公觴之酒酣范昭請君之樽酌公曰寡人之樽



進客范昭已飲晏子徹罇更為酌范昭佯醉不悅而起舞謂太師曰能為我奏成周公之樂乎吾為舞之太師曰曠臣不習范昭出景公曰晉大國也來觀吾政今子怒大國之使者將柰何晏子曰觀范昭非陋於禮者且欲慙吾國臣故不從也太師曰夫成周公之樂天子之樂也惟人主舞之今范昭人臣而欲舞天子樂臣故不為也范昭歸報晉平公曰齊未可伐臣欲辱其君晏子知之臣欲犯其禮太師知之仲尼曰不越罇俎之間而折衝千里之外晏子之謂也

○間戰

凡欲征伐先用間謀規敵之衆寡虛實動靜然後興師則大功可立法曰無所不用間也

用間篇

勝久按法曰語見干孫子

周將鬻叔裕字孝寬守王壁善於撫御能得人心所遣間謀入齊者皆為着力亦齊人得孝寬金貨逢通書疏故齊動靜朝廷皆知之齊相斛律光字明月賢而有勇孝寬深忌之叅軍申嚴頗知卜筮謂孝寬曰來年東朝必大相殺戮孝寬令嚴作謠歌曰百升飛上天明月照長安百升斛也又云高



山不推自墮解木不扶自立令謀人多齋此文遣  
之於騎祖孝正與光有隙既聞更潤色之明月卒  
以此誅周武帝聞光死赦其境內后大舉兵遂滅  
齊

○選戰

凡與敵戰須要選練勇將銳卒使為先鋒一則壯其  
志一則挫敵威法曰兵無選鋒曰北

勝久按法曰  
詰見干孫子

地形  
篇

建安十二年袁尚熙奎上谷郡烏桓數入塞為害  
曹操征之夏五月至無終秋七月大水濱海道路

不通甲疇請為鄉導公從之率兵出盧龍塞經白  
檀歷平崗涉鮮卑庭東陷柳城未至二十里虜方  
知之尚熙與蹋頓等將數萬騎逆軍八月登白狼  
山卒與虜遇衆甚盛操輜重在後被甲者少左右  
皆懼操登高望虜陣不整乃縱兵擊之使張遼為  
先鋒虜衆大潰斬蹋頓及名王已下胡降漢者二  
十餘萬口

○步戰

凡步兵與車騎戰必依丘陵險阻林木而戰則勝若  
遇平易之道須用拒馬鎗為方陣步人在內馬軍步



人中分爲駐隊戰隊駐隊守陣戰隊出戰戰隊守陣  
駐隊出戰敵攻我一面則我兩哨出兵從傍以掩之  
敵攻我兩面則我分兵從後以擣之敵攻我四面我  
爲負陣分兵四出奮擊之敵若敗走以騎兵追之步  
兵隨其後乃勝法曰步兵與車騎戰者必依丘陵險  
阻如無險阻令我士卒爲行馬蒺藜勝久按法曰語見干六韜

篇

五代史晉將周德威爲盧龍節度使恃勇不修邊  
備遂失據榆關之險契丹每芻牧於營平之間陷  
新列德威復取不克奔歸幽州契丹圍之二百日

城中危急李嗣源聞之約李存勗步騎七萬會於  
易州以救之乃自易州北行踰大房嶺循澗而東  
嗣源以養子從珂將三千騎爲先鋒進至山口契  
丹以萬騎遮其前將士失色嗣源以百騎先進免  
曹揚鞭胡語謂契丹曰汝無故犯我疆場晉王命  
我將百萬騎衆直抵西樓滅汝種族因躍馬奮槌  
三入其陣斬契丹酋長一人後軍齊進契丹兵却  
晉兵始得出李存勗命步兵伐木爲鹿角陣人持  
一枝以成寨契丹環寨而逼寨中發萬弩射之流  
矢蔽日契丹人馬死傷塞路將至幽州契丹列陣



待之存最命步兵列于陣後勿先動令羸兵曳柴  
燃草而進之烟塵蔽天契丹莫測其多少因鼓入  
戰李存勗乃超後陣起而乘之契丹大敗而走遂  
席卷其衆自北山遁去斬首萬餘計即解幽州之  
圍

○騎戰

凡騎兵與步兵戰者若遇山林險阻陂澤之地疾行  
急去是必敗之地勿得與戰欲戰者須得平易之地  
進退無礙戰則必勝法曰易地則用騎  
五代史唐莊宗救趙與梁軍相拒於柏鄉平里營

於野河北晉兵少梁將王景仁所將兵雖多而精  
銳者亦少晉軍望之色動周德威勉其衆曰此汴  
宋傭敗耳退而言之莊宗曰吾提孤兵出千里利  
在速戰今斯不乘勢而急擊之使敵知我衆寡則  
計無所施矣德威曰不然趙人皆守城而不能野  
戰吾之取勝利在騎兵平原曠野騎兵之所長也  
今吾軍於河上迫近營門非吾用長之地莊宗不  
悅退卧帳中諸將無敢入見者德威乃謂監軍張  
業業曰王怒老將不速戰者非法也且吾兵少而  
臨賊營門所持者一水隔耳使梁得舟楫渡河吾



無類矣。不如退軍部邑。誘敵出營。擾而勞之。可以策勝也。業入言曰。德威老將。知兵。願無忽其言。莊宗遽然起曰。吾思之。爾已。而德威獲梁遊兵。問景仁何為。曰。治舟數百。將以為浮梁。德威乃與俱。見莊宗。嘆曰。果如公所料。乃退軍部邑。德威選騎三百。抵梁營挑戰。自以勁兵三千繼之。景仁乃悉以其軍出。與德威轉鬪數十里。至於部南。兩軍皆陣。梁軍橫亘六十里。莊宗策馬登高望而喜曰。平原淺草。可前可却。負吾制勝之地也。乃使人告德威曰。吾當與公德威諫曰。梁軍輕出而遠來。與吾

轉戰。其來既速。必不暇齎糧。縱其能齊。有不暇食。不及日午。人馬饑渴。其軍心先退。退而擊之。必獲全勝焉。至未申時。梁軍中果塵起。周德威鼓噪進。梁軍大敗。

○舟戰

凡與敵戰於江湖之間。必有舟楫。須居上風。上流上風者。順風用火以焚之。上流者。隨勢使戰艦以衝之。則戰無不勝。法曰。欲戰者。無迎流水。

勝久按法曰語見于孫子

行軍篇

春秋。梁子伐楚楚。令尹上戰不吉。司馬子魚曰。我



得上流何故不吉遂戰吳師敗績

○車戰

凡與步騎戰於平原曠野必須用偏箱鹿角車為方陳以戰則勝所謂一則治力一則前拒一則整束部伍也法曰廣地則用軍車法曰語未考

晉梁州刺史楊欣失羗戎之和為虜所沒河西斷絕帝每有西顧之憂臨朝而嘆曰誰能為我通涼州討此賊者乎朝臣莫對司馬督馬隆進曰階下若能任臣臣能平之帝曰若能滅賊何為不任顧卿方畧如何耳隆曰階下若能任臣當聽臣自任

帝曰云何臣請募勇士三千人無問所從來率之鼓行而西稟階下威德醜類何足滅者帝許之乃以隆為武威太守隆募腰開弓三十斤鈞立標揀試自且至日中得三千五百人隆曰足矣隆於是率其眾西渡溫水虜木機能等以眾萬騎或乘險以遏隆前或設伏以截隆後隆依八陣圖作偏箱車地廣用鹿角車路狹則為木屋旋於車上且戰且前弓矢所及應絃而倒轉戰千里殺傷以千數隆到武威虜大人稗跋韓且萬能等率萬餘眾歸隆前後誅殺及降附者數萬又率善戎沒骨能等



與木機能等戰斬之涼州遂平。

○信戰

凡與敵戰士卒蹈萬死一生之地而無悔懼之心者皆信令使然也上好信任誠則下用情而無疑故戰無不勝法曰信則不欺。

三國魏明帝自征蜀歸長安遣司馬懿督張郃諸軍雍涼勁卒二十萬潛軍密進窺向劍閣蜀相諸葛亮時在祁山旌旗利器守在險要十二更下者八萬時魏軍始陣代兵適交參佐咸以賊衆強盛非力所制宜權停下兵一月足以併聲勢亮曰吾

統武行師以太信為本得原失信古人所惜去者速裝以待期妻子鵠立而計日雖臨征難義所不廢皆催令去於是去者皆悅願留一戰住者奮勇思致死余相謂曰諸葛公之恩死猶未報也臨戰日莫不拔劍登先以一當十殺張郃却司馬懿一戰大克信之由也。

○教戰

凡興師必先教戰三軍之士素習離合聚散之法備請坐作進退之令使之遇敵視旌麾以應變聽金鼓而進退之如此則戰無不勝法曰不教民戰是謂棄



春秋時魏將吳起云夫人常死其所不能敗其所不便故用兵之法教戒為先一人學戰教成十人十人學戰教成百人百人學戰教成千人千人學戰教成萬人萬人學戰教成三軍以近待遠以佚待勞以飽待饑員而方之坐而進之行而止之左而右之前而後之分而合之結而解之每變教習乃授其兵是為將軍之事

○衆戰

凡戰若我衆敵寡不可戰於險阻之間須要平易寬

廣之地聞鼓則戰聞金則止無有不勝法曰用衆進止○勝久按法曰語見

晉元時秦符堅進屯壽陽列陣肥水與晉將謝玄相拒玄使謂符堅曰君遠涉吾境而臨水為陣是不欲速戰請君稍却令將士得周旋僕與諸君緩纏而觀之不亦樂乎堅衆皆曰宜阻肥水莫令得上我衆彼寡勢必萬全堅曰但却無令得遇而我以鐵騎數萬向水邊而殺之融亦以為然遂麾兵使却衆因乱而不能止於是玄與謝琰桓伊等以精銳八千渡淝水右軍拒張耗小退玄琰乃進



兵大戰淝水南。堅衆大潰。

○寡戰

凡戰若以寡敵衆，必以日暮或伏於深草，或邀於隘路，戰則必勝。法曰：用少者務隘。

勝久按法曰語見于吳子

北史：西魏大統三年，東魏將高歡渡河逼華州，刺史王伯嚴守之。乃涉洛軍於許原西。西魏遣將宇文泰拒之。泰至渭南，集諸列兵來會。諸將以衆寡不敵，請且待歡更西以觀之。泰曰：歡若至咸陽，人皆轉捨擾。今其所至可擊之。即造浮橋於渭南，軍士齊三日，糧輕騎渡渭，輜重自渭南夾渭而西。

商

候

貴

月壬辰至沙苑，拒齊六十餘里。高歡率兵來會，候騎告齊兵至。泰召諸將謀，李弼曰：彼衆我寡，不可爭也。宜置陣此東十里，有渭曲可據以待之。遂進至渭曲，背水東西為陣。李弼為右拒，趙貴為左拒。余將士皆偃戈於葭蘆之中。聞鼓聲而起，日晡齊軍至。望見單步爭進，卒亂不成列。兵將交，泰鳴鼓，士卒皆起。于謹等以木軍與之，合戰。李弼等率鐵騎橫擊之，絕其軍為二，大破之。

○愛戰

凡與敵戰，士卒寧進死而不肯退生者，皆將恩惠使



然也。三軍知在上之人。愛我如子。之至則我之愛上也。如父之極。故陷死亡之地。而無不願死。以報上之德。法曰。視卒如愛子。故可與之俱死。

春秋魏將吳起為西河守。與士卒最下者同衣食。卧不設席。行不乘騎。親裹贏糧。與士卒分勞苦。卒有病疽者。起為吮之。卒母聞而哭之。或曰。子卒也。而將軍自吮其疽。何哭為。母曰。非然也。往年吳公吮其父。其父戰不旋踵。遂死於敵。吳公今又吮其子。妾不知其死所矣。是以哭之。文侯以吳起用兵。庶卒得士卒心。使守西河。與諸侯大戰七十六陣。

而全勝者六十有四。

○威戰

凡與敵戰。士卒前進而不敢退。後是畏我而不畏敵也。若敢退而不敢進者。是畏敵而不畏我也。將使士卒赴湯蹈火而不違者。是威嚴使然也。法曰。威克厥愛。允濟。勝久按。法曰。語。見下書經。

春秋齊景公時。晉代阿郵而燕侵河上。齊師敗績。晏嬰乃薦田穰苴。田穰苴雖田氏庶孽。然其人文能附衆。武能威敵。願君試之。景公乃召穰苴。與語。兵事。大悅之。以為將軍。將兵扞燕晉之師。穰苴曰。



臣素卑賤君擢之閭伍之中加之大夫之上士卒  
未附百姓不親人微權輕願得君之寵臣國之所  
尊以監軍乃可於是景公許之使莊賈往穰苴既  
辭與莊賈約且日中會軍門穰苴先馳至軍中立  
表下漏待賈賈素驕貴以為將已之軍而已為監  
不甚急親戚左右送之留飲日中而賈不至苴則  
破表決漏入行軍勒兵申明約束既定夕時賈乃  
至苴曰何為後期賈對曰不佞大夫親戚送之故  
留苴曰將受命之日則忘其家臨陣約束則忘其  
親援桴鼓之急則忘其身今敵國深侵邦內騷動

士卒暴露於境君寢不安席食不甘味百姓之命  
皆垂於君何謂相送乎召軍正問曰軍法期而後  
至者云何對曰當斬莊賈懼使人馳報景公請救  
往未及還於是遂斬莊賈以徇三軍三軍皆服慄  
久之景公遣使者持節救賈馳入軍中苴曰將在  
軍君命有所不受問軍正曰軍中不馳今使者云  
何對曰當斬使者大懼苴曰君之使不可殺之乃  
殺其僕車之右駟馬之左騶以徇三軍遣使者還  
報然後行事士卒次舍升竈飲食問疾醫藥身自  
拊循之悉取將軍之資糧以享士卒平分糧食最



此其羸弱者三日而後勒兵病者皆求行爭奮出  
為之赴戰晉師聞之渡河而解於是首乃率眾追  
擊之遂取所亡封內故境率兵而歸

○賞戰

凡高城深池矢石繁下士卒爭先登白刃始合士卒  
爭先赴者必誘之以重賞則敵無不克焉法曰重賞  
之下必有勇夫

勝久按法由語  
見干三略中

漢末大將曹操每攻城破邑得靡麗之物則悉以  
賞有功者若勲勞者宜賞則不吝千金無功妄施  
分毫不與故能每戰必勝

○罰戰

凡戰使士卒遇敵敢進而不敢退三寸者必懲之以  
重刑故可以取勝也法曰罰不遷列

隋大將楊素御戎嚴整有犯軍令者立斬之無所  
寬貸將對敵輒求人過失而斬之多者百餘人少  
者不下十數人流血盈前言笑自若及其對陣先  
令三百人赴敵陷陣則已如不能陷陣而還者無  
問多少悉斬之又令二三百人再復進還如何者  
將士股慄有必死之心由是戰無不勝

○主戰



凡敵若彼為客。我為主。不可輕敵。為吾兵安。士卒顧家。當集人聚穀。保城備險。絕其糧道。彼挑戰不得。轉輸不至。候其困敝。擊之必勝。法曰。自戰其地為散地。

勝又按法由語見于孫子地形篇

後魏宋武帝親征後燕。慕容德客於鄴城。前軍大敗。績德又欲攻之。別駕韓諱進曰。古人先決勝。廟堂然後攻戰。今魏不可擊者四。燕不可動者三。德曰。何故。諱曰。魏重軍遠入。利在野戰。一不可擊也。深入近畿。致其死地。二不可擊也。前鋒既敗。後陣必固。三不可擊也。彼眾我寡。四不可擊也。官軍自戰。

其地。一不可動。動而不勝。眾心難固。二不宜動。城隍未修。敵來無備。三不宜動。此皆兵家所忌。不如深溝高壘。以待勞彼。千里饋糧。野無所掠。久則三軍靡費。攻則士卒多斃。師老虜生。起而面之。可以捷也。德曰。諱別駕之言。真良平策也。

○客戰

凡戰若彼為主。我為客。惟務深入。深入則為主者不能勝也。謂客在重地。主在輕地。故耳。法曰。深入則專。漢韓信張耳以兵數萬。欲東下井陘。擊趙。趙王及成安君陳餘聚兵井陘。只眾號二十萬。廣武君李



左車說成安君曰聞漢韓信涉西河虜魏豹擒夏  
悅新喋血關與今乃輔以張耳議欲以下趙此乘  
勝而去國遠聞其鋒不可當臣聞千里饋糧士有  
饑色樵蘇瘳師不宿飽今井陘之道車不得方軌  
騎不得成列其勢糧食必在其後願足下假臣奇  
兵三萬人從間道絕其輜重足下深溝高壘勿與  
戰彼前不能進退不能還野無所掠不十日兩將  
之頭可懸麾下願君留意否必為所擒成安君自  
以為義兵不聽果被殺

○強戰

凡與敵戰若我衆強可偽示怯弱以誘之敵必輕我  
與我戰吾以銳卒擊之其軍必敗法曰能而示之不  
能勝久按法曰語見孫子始計

戰國趙將李牧常居代鴈門備匈奴以便宜置吏  
市租皆輸入幕府為士卒費日擊數牛享士習騎  
射謹風火多間諜後與將士約曰匈奴入盜急入  
救保有敢捕虜者斬匈奴每入盜輒入救保不與  
戰如是數歲無所忘失然匈奴以李牧為怯吳趙  
邊兵亦以為將怯趙王謂李牧李牧如故趙王召  
之使人代牧將歲餘匈奴來每出戰數不利死亡



多邊不得甲畜。於是復請牧。牧稱疾杜門不出。趙王乃復起使將兵。牧曰：「若用臣，臣如前，乃敢奉命。」王從之。李牧遂往。至如故約。匈奴來無所得。終以爲怯。邊士日得賞賜，不用。皆願一戰。於是乃選車得一千三百乘，選騎得一萬三千疋，百金之士五萬人。控弦者十萬人。悉勒兵習戰。大縱畜牧，人民滿野。匈奴來，佯敗不勝，以數千人委之。單于聞之，大率衆來入。李牧多爲奇陣，張左右翼以擊之，大破殺匈奴十萬餘騎。單于奔走。其後十餘歲，匈奴不敢犯趙邊。

### ○弱戰

凡戰若敵衆我寡，敵強我弱，須多設旌旗，倍增大竈，示強於敵，使彼莫能測我衆寡強弱之勢，則敵必不輕與我戰。我可速去，則敵軍遠害。法曰：強弱勝也。

後漢羌胡反寇，武都鄧太后以虞詡有將帥之才，遷武都太守。羌乃率衆數千，遮詡於陳倉峭谷。詡卽停車不進，而宣言上書，請兵須到。當發，羌聞之，乃分抄傍縣，詡因其兵散。日夜倍道兼行，日行百餘里。令吏士各作兩竈，日增倍之。羌不敢逼。或曰：孫臏減竈，而君增之。兵法曰：行不過三十里。而今



日且百里何也。詔曰：虜將多，吾兵少。虜見吾竈，且增，必謂郡兵來迎，衆多行速，必憚追我。孫臏見弱，吾今示強，勢有不同故也。

○驕戰

凡敵人強盛，未能必取，須當卑詞厚禮以驕其志，候其有釁隙可乘，一舉可破。法曰：卑而驕之。

蜀將關羽北伐，擒魏將于禁，圍曹仁，于禁、吳將呂蒙在陸口稱疾，請建業陸遜復見之。謂曰：關羽接境如何遠下，後不堪憂也。蒙曰：誠如來言，然我病篤，遜曰：羽務其驕氣，凌轢於人，禁等為水所沒於

我又相聞病必益，無備今出，其不意自可擒。制下見至尊，宜好為計。蒙曰：羽素勇猛，既難與敵，且已據荆州，恩信大布，無始有功，胆氣益壯，未易圖也。蒙至都，權問卿病誰可代者。蒙對曰：陸遜慮思深，長才堪負重，觀其規慮，將可大任，而未有遠名，非羽所忌，無復是過。若用之，當今外自韜隱，內察形便，然後可勝。孫權乃召遜，拜偏將軍、都督，代蒙。遜至陸口，書與羽曰：前承觀釁而動，以律行師，小舉大克，一何巍巍！敵國敗績，利在同盟，聞慶撫節，想遂席卷，共獎王綱。某不敏，受任來西，延慕光塵，思



稟良規。又曰：干禁等見獲，遐迹欣嘆，以為將軍之勲足以長世。雖昔晉文城濮之師，淮陰拔趙之畧，茂以尚之。聞徐晃等步騎駐旌，窺望麾葆，操得虜也。忿不思難，潛增衆以逞其心。雖云師老，猶有驍悍。且戰捷之後，常若輕敵。古術軍勝，跡警願將軍廣為方計，以全獨克。僕書生疎遲，忝所不堪。喜隣威德，樂自傾蓋。雖未合策，猶可懷也。羽覽書，有謙下自托之意，遂大宴，無復所嫌。遂具啓狀，陳其可擒之要權，乃潛軍而上。使遜與呂蒙為前部，至即克公安南郡。

○交戰

凡與強戰，傍與隣國當卑詞厚賂，結之以為己援。若我攻敵人之前後，倚其後，則敵人必敗。法曰：衢地則合交。勝久按法曰語見孫子地形篇

三國蜀將關羽圍魏曹仁於樊。魏遣左將軍于禁等救之。會漢水暴起，羽以舟兵虜禁等步騎三萬，送江陵。此時漢帝都許昌，魏武以為近賊，欲徙河北以避其鋒。司馬懿諫曰：禁等為水所沒，非戰守之所失。於國家大計，未所損。而便遷都，既示敵以弱，又淮沔之人俱不安矣。孫權劉備外親而內疎。



羽今得意權必不願也。可諭權令攝其後則樊圍自解。魏武從之。遣使結權。遂遣呂蒙西襲公安。拔之。羽果棄樊而去。

○形戰

凡與敵戰。若彼衆多。則設虛形。以分其勢。彼不敢不分兵。以備我。敵勢既分。其兵必寡。我專為一。其卒自衆。以衆擊寡。無有不勝。法曰。形人而我無形。勝久按法

外語見于孫子虛實篇

漢末建安五年。曹操與袁紹相拒於官渡。紹遣郭晷淳于瓊。顏良攻操將東郡。太守劉延於白馬。紹

率兵至。蒯陽將渡河。夏四月。曹操北救延。荀攸說操曰。今兵少。不可敵。若分其勢。乃可。公到延津。若將渡河。向其後。紹必西應之。然後輕兵襲白馬。掩其不備。顏良可擒也。操從之。紹聞兵渡。即分兵西應之。操乃率兵兼行。趨白馬來。至十餘里。良大驚。來逆戰。操使張遼關羽前登。擊破之。斬良。遂解白馬之圍。

○勢戰

凡戰所謂勢者。乘勢也。因敵有破滅之勢。則我從而迫之。其軍必潰。法曰。因勢破之。勝久按法曰。語見于三略上。



晉武帝密有滅吳之計。而朝議多違。惟羊祜杜預。張華與帝合意。祜病。舉預自代。及祜卒。拜預鎮南大將軍。都督荊州諸軍事。既至。鎮繕兵甲。耀威武。遂揀精銳。襲破吳西陵。都督張政乃啟請伐吳之期。帝報待明年。方欲大舉。預上表曰。凡事當以利害相較。今此舉十有八九利。而其害一二止於無功耳。朝臣言破敗之形。亦不可得。直是計不出已功不在身。各耻其前言之失。故守之耳。昔漢宣帝也。趙克國。所上事較之。後責諸議者。皆叩頭而謝。以塞異端也。自秋以來。討賊之形頗露。若今中止。

孫皓怖而生計。或徙者武昌。更添修江南諸城。遠其居人。城不可攻。野無所掠。積大舟於夏口。則明年之計。或無所及矣。時帝與張華圍碁。而預表適至。華推枰歛手曰。階下聖明神武。國富兵強。吳主滔虛。誅殺賢能。當今討之。可不勞而定。帝乃許之。預陳兵。江陵遣周旨。伍巢等率奇兵。泛舟夜渡。以襲樂鄉。多張旗幟。起火。已出於要害之地。以奪賊心。遂虜吳都督孫歆。既平上流。於是湘江以南。至于交廣。吳之州郡。望風歸附。預伏節。宣詔而撫綏之。時諸將會議。或曰。百年之寇。未能盡克。今大



暑水潦方降疾疫將起宜伺來冬更為大舉預曰  
昔樂毅藉濟西一戰以併降齊今兵威已振贄如  
破竹數節之後皆迎刃而解無復着手處也遂指  
授群師徑造秣陵所過城邑莫不束手遂平孫皓

### ○書戰

凡與敵書戰須多設旌旗以為疑兵使敵莫能測其  
衆寡則勝法曰晝戰多旌旗

春秋晉侯伐齊。侯登山以望。晉師。晉人使斥中  
澤之險。雖所不至。必旆而疏陳之。使乘車者左實  
右傷。以旆先輿曳柴而從之。齊侯見之。畏其衆也。


### 逃歸

### ○夜戰

凡與敵夜戰須多用火鼓。所以喪亂敵之耳目。使其  
不知所以備我之計。則勝法曰。夜戰多火鼓。

春秋越伐吳。吳人禦之笠澤。決水而陣。越為左右  
二軍。乘夜或左或右。鼓譟而進。吳分兵禦之。越為  
中軍潛涉。與吳中軍而鼓之。吳師大亂。遂敗之。





*[Faint, mostly illegible vertical text in seal script, likely bleed-through from the reverse side of the page.]*

文化甲辰



